

२ थिस्सलुनीकियामान

१ पौलुस, सिलवानुस आउर तीमुथियुस केर ओर से हमार परम पिता परमेश्वर आउर प्रभु यीशु मसीह में रहाल थिस्सलुनीकियामान केर कलीसिया केर नाम में:

१ तोहरे के परम पिता परमेश्वर आउर यीशु मसीह केर ओर से अनुग्रह तथा शांति प्राप्त होक।

१ हे भाईमान, तोहरे केर लागिन हमरे सोभे समय परमेश्वर के धन्यवाद करेक लगे, ऐसान करेक उचित भी हेके। काहेकि तोहरे केर विश्वास केर आश्चर्यजनक रूप से विकास होवाथे तथा तोहार में आपसी प्रेम भी बढ़ते जाथे। १ सेकार लागिन परमेश्वर केर कलीसियामान में हमरे निजे तोहार ऊपरे गर्व करिला। तोहरे केर यातनामान केर बीच तथा कष्टमान के सहते सहते धिराजपूर्वक सहन करेक तु तोहरे केर विश्वास के प्रकट कराथे।

पौलुस केर धन्यवाद तथा परमेश्वर केर न्याय केर चर्चा

१ येहे तु ई बात केर स्पष्ट प्रमाण हेके कि परमेश्वर केर न्याय सच्चाई हेके। उकार उदेश्य येहे हेके कि तोहरे परमेश्वर केर राईज में प्रवेश करेक योग्य ठहरा। तोहरे एखान उकरे लागिन तो कष्ट उठाथा। १ निश्चय परमेश्वर केर दृष्टि में येहे न्यायोचित हेके कि तोहरे के जेमान दुख देवाथाँए, उमान के बदली में दुखे देवाल जाई। १ आउर तोहरे जे कष्ट उठाथा, उमान के हमार सागें उ समय विश्राम देवाल जाई जेखान प्रभु यीशु अपन सामर्थ्यवान दूतमान केर सागें सोरग से १ धधकते आगुन में प्रकट होई। आउर जेमान परमेश्वर के नी जानेना तथा हमार प्रभु यीशु मसीह केर सुसमाचार में नी चलेना, उमान के दण्ड देवाल जाई। १ उमान के अनन्त विनाश केर दण्ड देवाल जाई। तथा उमान के प्रभु आउर उकार महिमापूर्ण शक्ति केर सामने से हटाए देवाल जाई। १ ऐसान सेखान होई जेखान उ अपन पवित्र आदमीमान के बीच महिमा मण्डित तथा सोभे विश्वासिमान केर वास्ते आश्चर्य के कारण बनेक केर लागिन आवी उकार में तोहरे मान भी शामिल होबा काहेकि हमरे उकार विषय में जे साक्षी देई रही, उकार में तोहरे विश्वास कईर रहा।

१ ईकार लागिन हमरे तोहरे केर हेतु परमेश्वर सोभे समय प्रार्थना करिला कि हमार परमेश्वर तोहरे के उ

जीवन केर योग्य समझोक जे जीवन जीएक केर लागिन तोहरे के बोलाल जाएहे। आउर उ तोहरे केर हर उत्तम ईच्छा के प्रबल रूप से परिपूर्ण करी आउर हर उ काम के उ सफल बनाई जेसोउब तोहरे केर विश्वास केर परिणाम हेके। १ ई रकाम से हमार प्रभु यीशु मसीह केर नाम तोहरे केर द्वारा आदर पाई। आउर तोहरे उकार द्वारा आदर पाबा। ई सोउब कुछ हमार परमेश्वर केर आउर यीशु मसीह केर अनुग्रह से होवी।

प्रभु केर आवेक से आगे के दुर्घटनामान घटी

१ हे भाईमान, एखान हमरे अपन प्रभु यीशु मसीह केर फिर से आवेक आउर उकार सागें परस्पर जमा होवेक केर विषय में निवेदन कराथि १ कि तोहरे अचानक अपन विवेक के कोनो भविष्यवाणी कोनो उपदेश अथवा कोनो ऐसान चिट्ठी से न हेराबा जेकार लागिन हमार द्वारा लिखाल जाहे समझाल जाहे आउर तथाकथित रूप से जेकार में बताल जाहे कि प्रभु केर दिन आए चुईके, तोहरे अपन मन में डावाँडोल न होबा। १ तोहरे अपन के केकरो भी द्वारा कोनो रकाम ठकाएक न देबा। मॉय ऐसान ईकार लागिन कहाथों काहेकि उ दिन उ समय तक नी आवी जेखान तक कि परमेश्वर से मुँख मोईड लेवेक केर समय नी आए जाए आउर व्यवस्थाहीनता केर व्यक्ति प्रकट नी होए जाई। उ व्यक्ति केर नियति तो विनाश हेके। १ उ अपन के हर वस्तु केर ऊपरे कही आउर उकार विरोध करी। ऐसान वस्तुमान के जोसोउब परमेश्वर केर हेके या जेसोउब पूजनीय हेके। एतना तक कि उ परमेश्वर केर मन्दिर में जाए के सिंहासन में बैठ के ई दावा करी कि ओहे परमेश्वर हेके कईके।

१ का तोहरे केर याईद नैखे कि जेखान मॉय तोहरे केर सागें रहों होले तोहरे के ई सोउब बताल जाए रहे। १ आउर तोहरे तो एखान ईके जानाथाँए कि उके का रोईखे ताकि उ उचित अवसर आवेक समयहे प्रकट होक। १ मॉय ऐसान ईकार लागिन कहाथों काहेकि व्यवस्थाहीनता केर रहस्यमय शक्ति एखान भी अपन काम करते आहे। एखान केहो ईके रोकते आहे आउर उ तब तक ईके रोकते रहबाँए, जेखान तक, उके रोईक रखेक वाला के रास्ता से हटाए नी देवाल जाई। १ सेखान उ व्यवस्थाहीन प्रकट

होई। जेखान प्रभु यीशु अपन महिमा में फिर प्रकट होई उ ईके मोराए दोवी तथा अपन पुनः आगमन केर अवसर में अपन उपस्थिति से उके नष्ट कईर देवी।

१३ व्यवस्थाहीन केर आवेक शैतान केर शक्ति से होई तथा उ बहुत बड़ा शक्ति, झूठा चिन्हामान आउर आश्चर्यकाममान १० तथा हर रकाम केर पापपूर्ण ठक-विद्या से भराल होई। उ ईसोउब केर उपयोग उसोउब व्यक्तिमान केर विरुद्ध करी जेमान सर्वनाश केर मार्ग में हेराए जाहाँए। उमान भटईक जाहाँए काहेकि उमान सच्चाई से प्रेम नी कईराँए; कहीं उमान केर उद्धार न होए जाओक। ११ ईकार लागिन परमेश्वर उमान में एकटु छल शक्ति के कार्यरत कईर देई जेकार से उमान झूठ में विश्वास करेक लईगाँए। ईकार से उमान केर विश्वास जे झूठा हेके, उमान में होई। १२ ईकार से उमान सोभे जेमान सच्चाई में विश्वास नी कईराँए आउर झूठाई में आनन्द लेवाथाँए, दण्ड पाबाँए।

तोहरे के छुटकारा केर लागिन चुनाल जाहे

१३ प्रभु में प्रिय भाईमान, तोहरे केर लागिन हमरे सोभे समय परमेश्वर के धन्यवाद करेक लगी काहेकि परमेश्वर आतमा केर द्वारा तोहरे के पवित्र कईरके आउर सच्चाई में तोहरे केर विश्वास केर कारण उद्धार पावेक केर लागिन तोहरे के चुईने। जे व्यक्तिमान केर उद्धार होवेक आहे, तोहरे उकार पहिला फसल केर एक हिस्सा हेका। १४ आउर ई उद्धार केर लागिन जे सुसमाचार केर हमरे तोहरे के उपदेश देईही उकार द्वारा परमेश्वर तोहरे के बोलाहे ताकि तोहरे भी हमार प्रभु यीशु मसीह केर महिमा के धारण कईर सकबा। १५ सेहे लागिन भाईमान, अटल बईन रहा तथा जे उपदेश तोहरे के मौखिक रूप से या हमार चिट्ठी केर द्वारा देवाल जाहे, उके थाईम रहा।

१६ एखान हमार प्रभु निजे यीशु मसीह आउर हमार परम पिता परमेश्वर जेहार हमार में अपन प्रेम दर्शाहे आउर हमरे के परम आनन्द प्रदान कईरहे तथा जेहार हमरे के अपन अनुग्रह में सुदुद आशारा प्रदान कईरहे। १७ तोहरे केर हृदयमान के आनन्द देओक आउर हर अच्छा बात में जेके तोहरे कहाला या कराला, तोहरे के सुदुद बनाओक।

हमार लागिन प्रार्थना करा

३ १ हे भाईमान, तोहरे के थोड़ा आउर बातमान हमरे केर बताएक आहे। हमार लागिन प्रार्थना करा कि

v २:१३ तोहरे के ... चुईने कोनो यूनानी प्रतिमान में, "शुरू से" आहे।

प्रभु केर संदेश तीव्रता से फैलोक आउर महिमा पाओक। जैसान कि तोहरे मान केर बीच होहे। १ प्रार्थना करा कि हमरे भटकाल आउर दुष्ट मनुष्यमान से दूर रहोबोई। (काहेकि सोभे आदमीमान केर तो प्रभु में विश्वास नी होवेला।)

३ किन्तु प्रभु तो विश्वासपूर्ण हेके। उ तोहरे केर शक्ति बढ़ाई आउर तोहरे के उ दुष्ट से बचाए रखी। ४ हमरे प्रभु में तोहरे केर स्थिति केर विषय में विश्वास आहे। आउर हमार पूरा निश्चय आहे कि हमरे तोहरे के जे कुछ करेक केर लागिन कईही, तोहरे वैसानेहे कराथा आउर करते रहबा। ५ प्रभु तोहरे केर हृदयमान के परमेश्वर केर प्रेम आउर मसीह केर धिराजपूर्ण दृढ़ता केर ओर अग्रसर करी।

काम केर अनिवार्यता

६ भाईमान! एखान तोहरे हमार प्रभु यीशु मसीह केर नाम में ई आदेश आहे कि तोहरे हर उ भाई से दूर रहबा जेमान ऐसान जीवन जीएना जेटु उमान केर लागिन उचित न लगे। ७ मॉय ईके ईकार लागिन कहाथा काहेकि तोहरे तो निजे जानाला कि तोहरे के हमार अनुकरण कैसान करेक लगी काहेकि तोहरे केर बीच रहेक समय हमरे केखनो आलसी नी रही। ८ हमरे बिना दाम चुकाएके केकरो से भोजन ग्रहण नी कईरी, लेकिन जतन आउर परिश्रम करते करते हमरे दिन राईत काम में जुईट रही ताकि तोहार में से केकरो ऊपरे भी बोझ नी बनेक लागिन। ९ ऐसान नई कि हमरे तोहरे से सहायता लेवेक केर कोनो अधिकार नैखे, लेकिन हमरे ईकार लागिन कड़ी मेहनत करते रही ताकि तोहरे उकार अनुसरण करेक सकबा। १० ईकार लागिन हमरे जेखान तोहरे केर सागें रही, हमरे तोहरे के ई आदेश देई रही: "यदि कियो काम नी करेक खोजबाँए होले उ खाना भी न खाओक।"

११ हमरे के ऐसान बताल जाहे कि तोहरे केर बीच के केमान ऐसान भी आहाँए जेमान ऐसान जीवन जीएना जेटु उमान केर अनुकूल नैखे। उमान कोनो काम नी करेना, दोसरामान केर बातमान में टाँग अड़ाएके हिने-हुने घूरते फिरते रहेना। १२ ऐसान आदमीमान के हमरे यीशु मसीह केर नाम में समझाए के आदेश देवाथि कि उमान शांति केर साथ अपन काम करोक आउर अपन कमाई केर खाना खाओक। १३ किन्तु हे भाईमान, जहाँ तक तोहरे केर बात हेके, भलागिन करते करते केखनों न थकबा।

१४ ई चिट्ठी केर माध्यम से देवाल हमार आदेशामान में यदि कियो नी चलबाँए होले उ व्यक्ति केर ऊपरे नजर

रखा आउर उकार संगत से दूर रहा ताकि उके लाज
लगोक। ^{१५}किन्तु उकार सागें शत्रु जैसान व्यवहार न
करबा लेकिन भाई केर समान उके चेतावा।

चिट्ठी केर समापन

^{१६}एखान शांति केर प्रभु निजे तोहरे के हर समय, हर

प्रकार से शांति देओक। प्रभु तोहरे सोउब कर सागें
रहोक।

^{१७}मोंय पौलुस निजे अपन लिखावट में नमस्कार
लिखाथों। मोंय ई रकाम हर चिट्ठी में हस्ताक्षर करोना।
मोर लिखेक केर शैली येहे हेके। ^{१८}हमार प्रभु यीशु मसीह
केर अनुग्रह तोहरे सोउब कोई केर ऊपरे बनाल रहोक।